



Broj: 09-20-11-2-670

Dana: 25.08.2021 godine

Na osnovu člana 43. Zakona o unutrašnjim poslovima Federacije Bosne i Hercegovine („Službene novine Federacije BiH“ broj: 81/14), i, člana 25., 69. i 70. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje otvorenih postupaka nabavke u 2021. godini, Zamjenik direktora Federalne uprave policije
d o n o s i:

ODLUKU

**o izboru najpovoljnijeg ponuđača za Javnu nabavku Informatičke opreme
za LOT 1 (Nabavka desktop računara i monitora)**

1. Prihvata se preporuka Komisije za javne nabavke u postupku nabavke broj: 09-20-11-2-670 od 16.07.2021 godine, i Ugovor za nabavku informatičke opreme nakon provedenog otvorenog postupka za LOT 1 dodjeljuje se ponuđaču **“C-SERVIS” d.o.o. Sarajevo**, Antuna Hangija 31, 71000 Sarajevo, prema ponudi broj: 211307-01/MJ od 13.07.2021 godine, za ponuđenu ukupnu cijenu od 43.760,00 KM bez PDV-a, odnosno 51.199,20 KM sa PDV-om kao najpovoljnijem ponuđaču nakon provedenog otvorenog postupka po Obavještenju o nabavci broj: 1412-1-1-129-3-74/21 od 2.7.2021. godine, objavljenog u „Službenom glasniku BiH“ broj: 42/21 od 9.7.2021 godine.
2. Izabrani ponuđač je dužan da u roku od 5 dana od prijema ove Odluke dostavi dokumenta navedena u tački 12., odnosno 13., Tenderske dokumentacije, broj: 09-20-11-2-670 od 01.07.2021. godine.
3. Ugovor će se primjenjivati od datuma obje strane i trajat će do izvršenja obaveze.
4. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. godine, je postupala shodno Obavještenju o nabavci broj: 1412-1-1-129-3-74/21 od 2.7.2021. godine, objavljen u „Službenom glasniku BiH“ broj: 42/21 od 9.7.2021

godine, kojom prilikom je proveden otvoreni postupak Javne nabavke informatičke opreme za LOT 1 (Nabavka desktop računara i monitora).

Dana 22.07.2021. godine, izvršeno je otvaranje ponuda o čemu je sačinjen Zapisnik u kojem su uneseni svi elementi predviđeni članom 63., stav 4., i 5., ZJN BiH.

Komisija je u Zapisniku o pregledu i ocjeni ponuda od 23.07.2021. godine, konstatovala da je za predmetnu javnu nabavku pristigla jedna ponuda, i to od pravnog lica „C-servis“ d.o.o. Sarajevo. U daljem postupku utvrđeno da je ponuda ponuđača „C-servis“ d.o.o. Sarajevo za LOT-1 formalno pravno ispravna, te ispunjava uslove tražene tenderskom dokumentacijom i da je u potpunosti u skladu sa traženim tehničkim specifikacijama navedenim u TD, a što je u smislu tehničkih karakteristika potvrđeno od strane stručne službe – Odsjeka za informatiku Sektora za podršku Federalne uprave policije, aktom, broj: 11/-107/21 od 04.08.2021. godine.

Imajući u vidu da je ponuda ponuđača „C-servis“ d.o.o. Sarajevo za LOT 1 u visini od 43.760,00 KM bez PDV-a prelazila procijenjenu vrijednost nabavke za LOT 1 (41.260,68 KM bez PDV-a) Komisija je od Sektora za materijalno-finansijske poslove Federalne uprave policije zatražila informaciju o raspoloživim sredstvima u cilju eventualnog nastavka postupka javne nabavke, a povodom čega je zaprimljen akt broj: 20-20/1-11-2-670 od 20.08.2021. godine, tj. Mišljenje da Federalna uprava policije može obezbijediti dodatna sredstva za iznos koji prelazi procijenjenu vrijednost nabavke za LOT-1, obzirom da su ostvarene uštede u Budžetu. Slijedom navedenog, Komisija je predložila donošenje Odluke o izboru najpovoljnijeg ponuđača - pravnog lica „C-servis“ d.o.o. Sarajevo. Na osnovu navedenog prijedloga donesena je Odluka kao u dispozitivu.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.



Dostaviti:

- Sektor za mat. - fin. poslove
- ponuđačima
- u spis